

O'ZBEK TILIDA "QAT'IYAT" SEMANTIKALI O'XSHATISHLAR TAHLILI

<https://doi.org/10.5281/zenodo.8105256>

Jamoliddinova Iroda

Annotatsiya.

Ushbu maqolada o'zbek tilidagi qat'iyat konseptining o'xhatishlar orqali ifodalanishi o'r ganilgan. O'xhatishlarning kognitiv vazifasi ochib berilgan. O'xhatish unsurlari tahlil qilingan, etalonlarining milliylik bilan shartlanganligi aniqlangan.

Kalit so'zlar

konsept, o'xhatish, turg'un o'xhatish, o'xhatish etaloni, o'xhatish asosi, kognitiv funksiya

Annotation.

This article explores the verbalization of the concept of "confidence" in the Uzbek language through comparisons. The cognitive function of comparisons is revealed. The elements of comparison were analyzed, it was found that their standards are determined by nationalities.

Keywords

comparison, stable comparison, standard of comparison, basis of comparison, cognitive function.

O'zbek tilida qat'iyat konsepti o'xhatishlar orqali ham ifodalanadi. Qilichdek keskir, po'latdek matonat, metindek iroda, temirday mustahkam iroda kabi o'xhatishlar shular jumlasidandir.

O'xhatishlarning vazifalari xususida fikr yuritganda, ularning kognitiv, nominativ, badiiy-estetik, emotsiyonal jihatlarini alohida qayd etish lozim.

Qat'iyat konseptini verballashtiruvchi o'xhatishlar ko'proq kognitiv vazifa bajaradi. Bu kabi abstrakt tushunchalarni ifodalovchi o'xhatishlarni til egalari go'zal ifoda uchungina qo'llamaydi. Inson tafakkuri anglanishi qiyin bo'lgan mohiyatlarni, jumladan, bevosita kuzatishda berilmagan mohiyatlarni bilishda metafora va o'xhatishlardan unumli foydalanadi. Qat'iyat ham abstrakt tushuncha va uning anglanishi ko'rish, ushslash, hidlash, ta'mini bilish va eshitish mumkin bo'lgan narsalardan ancha murakkab. Shu jarayonda tafakkur uni konkret narsaga o'xhatadi va bizda uning "yasama" obrazi shakllanadi.

Ispan adibi Xose Ortega-i-Gassetning fikricha, inson uchun jismoniy xarakterdagи narsalar, ularning jismoniy o'lchovlari tabiatan yaqin. Chunki inson tafakkuri jismoniy

narsalarni aniq tasavvur qiladi. Abstrakt psixik holatlar esa insoniyat tafakkurining keyingi bosqichlarida shakllangan bo'lib, uni tasavvur qilish oson kechishi maqsadida inson jismiy narsalarga solishtiradi. Masalan, olim men so'zini aytayotganda insonlarning ko'kragiga qo'li bilan urib gapirishlari, har bir inson o'z "menini" alohida abstraktsiyalashda baribir jism bilan bog'lashini ta'kidlaydi. Murakkab tafakkurni talab qiluvchi abstrakt tushunchalarni aniq jismoniy xarakterdagi nomlar bilan atash metaforaning alohida turi sifatida belgilangan [Hakimova, 2020: 92].

Metaforalar kabi o'xshatishlarda ham abstrakt tushunchalar konkret tushunchalarga o'xshatiladi hamda buning natijasida bilish oson kechadi. Masalan, "insonning fikrida, so'zida, tanlagan yo'lida qattiq turadigan, turli zarbalarga uchraganda tanlagan yo'lidan, so'zidan, fikridan qaytmaydigan" xarakteri temirga o'xshatiladi. Bilamizki, temir mustahkam modda. Uni egish-bukish oson emas. Tafakkur ushbu insonga xos bo'lgan xarakterni temirga o'xshatadi va "bukilmaslik, o'zgarmaslik, qattiqlik" belgilari asosida bilish oson kechadi.

N.Mahmudov to'g'ri ta'kidlaganidek, "... xalqning dunyoni tasavvur etishi va anglashidagi o'ziga xoslik, ya'ni milliy-madaniy va milliy-konnotativ ma'lumot bevosita ayni shu o'xshatish etalonida tajassum topadi. Xalqning milliy obrazli tafakkur tarzining mahsuli sifatida turg'unlashgan, etalonlashgan obrazlar milliy idrokni aks ettiradi. Mazkur muammo bilan jiddiy shug'ullangan mutaxassislarning aksariyati qayd etganlaridek, o'xshatish etalonlari an'anaga kirgan, avloddan avlodga o'tib kelayotgan obrazlar sifatida xalqning dunyoni o'ziga xos idrok etishining ifodachisi bo'lgani uchun etalonlar komparativ iboralar tarkibida alohida o'rinn tutadi va lingvokulturologik, ya'ni til, milliy madaniyat va mentalitet munosabatlarini belgilash jihatidan favqulodda muhimdir [Mahmudov, 2013: 10].

Qat'iyatni ifodalovchi o'xshatishlarni tahlil qilar ekanmiz, o'xshatish etalonlari sifatida *temir, metin, po'lat* kabi qattiq modda nomlari va keskir bo'lgan *qilich* so'zi keladi. E'tibor qilinsa, bu o'rinda qat'iyat konseptidagi "o'zgarmaslik", "fikrida qattiq turish" mustahkam bo'lgan moddalarning qattiqlik xususiyatiga o'xshatilmoqda.

Temir eng qadimgi qazilma boyliklardan hisoblanib, miloddan avvalgi 2000-yillarda Osiyoning g'arbiy qismida temirni rudalardan olish usuli topilgan; shundan keyin Temir Misr, Yunonistonda ham ishlatiladigan bo'ldi; jez davrini temir davri egallay boshladи. Temir juda mustahkam bo'lib, suyuqlanish temperaturasi 1535°, qaynash temperaturasi 2750°ni tashkil etadi [Vikipediya]. Demak, xalqimiz qadimdan temirdan foydalanib kelgan, turmushga kerakli

bo'lgan juda ko'plab asbob-uskanalar temirdan tayyorlangan va u juda mustahkam bo'lgan. Shuning uchun temirning mustahkamligi qat'iyatga o'xhatilgan.

Xuddi shunday po'lat temirning uglerod va boshqa moddalar bilan qotishmasi sanaladi. U ham mustahkam bo'lib, toblangan sari uning mustahkamligi oshib boraveradi. Xuddi shuning uchun ham u ikkilamchi nominatsiyaga asos bo'lgan bo'lishi mumkin: *po'latdek iroda*. Butun yer yuzida juda katta o'ziga xosliklarga ega bo'lgan - Temir davri bo'lganligini tarixdan bilamiz. Shuning uchun ham turli tillarda temir va po'lat nomlari bilan qat'iyatni ifodalash an'anasi kuzatiladi: *temirday iroda*, *железная воля* (*temirday*), *iron will* (*temirday iroda*); *po'latdek matonat*, *стальная воля* (*po'latdek iroda*), *steel will* (*po'latdek iroda*).

Metindek matonat, metindek iroda, metindek bardosh kabi qat'iyat semantikasiga ega o'xhatishlardagi *metin* so'zi arabcha so'z bo'lib, Sh.Rahmatullayev tomonidan tuzilgan etimologik lug'atga ushbu so'z kiritilmagan. O'zbek tilining izohli lug'atida esa uning quyidagi ma'nolari kiritilgan:

METIN (a. – mahkam, mustahkam) **1** ot Toshloq va qattiq yerlarni qazish, tosh kesish uchun ishlatiladigan uchli cho'kich yoki tesha. *Farhodlar ter to'kar tunu kun bunda, Metinlar zarbiga chiday olmas tosh.* Uyg'un.

2 sft. Qattiq, zarang. *U\ Yo'lchi\ bu yerga oldin suv qo'yib, yer yumshagandan so'ng kovlash kerakligini anglasa ham.. tog'aning amridan chiqmaslik uchun metin joyni kavlayverdi.* Oybek, Tanlangan asarlar.

3 ko'chma Mustahkam, buzilmas. *Metin saflar. tsh Dushmanning qo'rg'oni juda metin ekan.* Oybek, Navoiy. Ahmad Dadamat aka-ni.. *metin irodali odam deb o'ylagan edi.* F. Musajonov, Himmat (O'TIL, 2-681).

Demak, o'xhatish uchun "mustahkam" semantika asos bo'lgan. Bu o'rinda teshadan metonimiya asosida "mustahkam" belgisi yoki "mustahkamlik" belgisidan "tesha" ma'nosi shakllanganligini aniqlashning imkonи bo'lindi. Nazarimizda, -day qo'shimchasi asosida o'xhatish shakllanayotgan ekan, u belgiga emas, predmetga qiyoslanadi va birinchi ma'no o'xhatishga etalon bo'lgan deyish mumkin.

Qilichdek keskir o'xhatishida qilichning bir zumda kesib yuborish imkoniyati o'xhatishga asos qilingan. Kesuvchi predmetlardan pichoq, arra, o'roq kabilar bizning kundalik turmush tarzimizda doim qo'llanadi. Lekin qat'yait uchun hozir keng qo'llanishda bo'lмаган *qilich* so'zi olingan. Bunda qat'iyatli odamning uzil-kesil masalani hal qilishi, bir so'zli ekanligi qilichning o'tkir ekanligiga, bir zumda tekis kesishi imkoniyatiga o'xhatilgan. Yana bu o'xhatish ancha qadimgi ekanligini ham anglash mumkinki, *qilich* so'zi so'nggi asrlarda faol leksikaga mansub emas.

Demak, qat'iyat konsepti o'zbek tili egalarida egish, o'zgartirish mumkin bo'limgan "mustahkam", "qattiq" kabi belgilarga ega bo'lgan moddalar, predmetlar bilan assotsiatsiyalangan, qiyoslangan. Olamda qattiq jismlar juda ko'p: granit, tosh va hokazo. Lekin millat nimanidir nimagadir o'xshatar ekan, o'z milliy mo'ljali, milliy idrok intizomi bilan ish ko'radi. Masalan, tosh qattiq bo'lgani bilan u kesuvchi emas, granit esa qadimda bizning o'lkalarda umuman ishlatilmagan. Bu jarayonni qor ko'rmagan afrikaliklarda *qorday oppoq sochlar*, okean ko'rmagan o'zbeklarda *okeandek erkinlik* kabi o'xhatishlarning yo'qligi bilan ham izohlash mumkin.

Ma'lumki, o'xhatishlarda to'rtta unsur bo'lishi kerak (yostiqdek qalin kitob):

- o'xhatiladigan narsa yoki o'xhatish subyekti (kitob);
- unga o'xhash bo'lgan narsa yoki obyekt; o'xhatish etalon (yostiq);
- o'xhatish belgisi yoki o'xhatish asosi (qalin);
- o'xhatishning shakliy ko'rsatkichi (-dekk).

Qat'iyat bilan bog'liq o'xhatishlarda ba'zida o'xhatish asosi mavjud bo'lgan va bo'limgan holatlar ham mavjud. Ushbu gapda o'xhatishning barcha unsurlari mavjud: *U o'z kuchi, qudrati va salohiyatiga, temirdek mustahkam irodasiga qattiq ishonardi* (*Sh. Ulug'*). Lekin o'xhatish belgisi bo'limgan o'xhatishlar ham ko'p uchraydi. Bu kabi o'xhatishlarda o'xhatish belgisi implitsit ifodalanadi. Ya'ni muallif o'xhatish uchun nimani nazarda tutayotgani xalq uchun ham tushunarli bo'ladi. Demak bu kabi o'xhatishlar asosan turg'un o'xhatishlarda uchraydi. Masalan, quyidagi gapda metindek iroda o'xhatishi keladi. Bu o'xhatishda metindek mustahkam iroda nazarda tutilayotganligi o'quvchiga oldindan, matngacha ham ma'lum edi: *Ammo baxt saroyini kurish uchun ayoldan metindek iroda, sabr talab etiladi* (*T. Malik*).

Odatda, semantik tadqiqotlarda ma'nolar oppozitsiyalarda tahlilga tortiladi. Biz ham shu an'anani davom ettirgan holda qat'iyat va qat'iyatsizlik oppozitsiyasining o'xhatishlar orqali ifodalanishiga ham to'xtalishni lozim topdik. O'zbek tilida qat'iyatsizlik *suvga tushgan (bo'kkан)* (*bulka*) *nonday, xamirdek bo'shashmoq* kabi o'xhatishlar orqali ifodalanadi va albatta salbiy konnotatsiyaga ega.

Xulosa o'rnida aytish kerakki, o'zbek tilida "o'z fikri, so'zi va amalida mustahkam turish" konsepti *qat'iyat, iroda, subut, tuturiq* kabi leksemalar bilan verballashibgina qolmay, o'xhatishlar orqali ham obrazli ifodalandi. O'xhatishlarda "dunyoni o'ziga xos, milliy tarzda ko'rish semantikasida aks etar" [Maslova, 2001: 133] ekan, qat'iyat ham millatga yaqindan tanish bo'lgan "mustahkam", "o'zgarmas" xususiyatiga ega bo'lgan etalonlar orqali ifodalangan.

FOYDALANILGAN ADABIYOTLAR:

1. Ёкуббекова М. Ўзбек халқ қўшикларида ўхшати: Монография. – Тошкент, 2003.
2. Маслова В.А. Лингвокультурология. – М., Академия, 2001. - С. 133-134.
3. Махмудов Н. Ўхшатишлар – образли миллий тафаккур маҳсули. / Махмудов Н. , Худойберганова Д. Ўзбек тили ўхшатишларининг изохли лугати. -Тошкент: Маънавият, 2013. 10-бет.
4. Хакимова М. Ўзбек тилида абстракт номлар семантикаси. Монография. – Тошкент, 2020. 92-бет.
5. <https://uz.wikipedia.org/wiki/Temir>